

## Transkription von Stadtbucheintrag OSL 1501b

Ort, Datierung: Oschersleben, 1501-??-??

Signatur: Stadtarchiv Oschersleben, A I 7, STB 11v-12r

Inhalt: Bericht über Rechtsstreitigkeiten zwischen Hans Rolewes und Oschersleben

Na der borth (cristi) dusent jar vnd(e) viff hu(n)de(r)t / jar vn(de) alseme i screff hath sick begheüen /  
jn clagen vn(de) jn sake(n) tvissche(n) hinr(ick) va(n) velthe(m) / ey(n) deyl vn(de) Cord roleües ey(n)  
deyl op / alle beste vortoneme(n)de dorch trüwer vorbede / des jrgena(n)ten(n) rades der Stadt  
Osschersle(ue)n / dat Cord roleües hat gebede(n) hinrick / va(n)n velthem vn(de) den(n)  
jrgena(n)te(n)n Radt / der Stadt Osschersleüen(n) jn ieghe(n)wor=/dicheynt vn(de) jn biwesende der  
gantzen / gemeynheyt hat gebeden(n) düsse vor=/ghena(n)te Cord Roleües Hinrick va(n)n / velthem  
vn(de) de jn biwesende der bede / gewesen(n) sÿn dath he ome wolde vo(re) geüe(n) / v(m)me goddes  
willen(n) we(n)te dat Cordt / roleües ghe dan hath dar hat he sick / vntüchtich jn gheoüeth vnde al  
dat / he dan hath dat hat he jn vnschult / ghe dhan forder welck parth cleÿgher / an ey(n)n de  
antwordes man dath / ander deyl welck orer düsse pu(n)the // vnde vor gescreue(n) artikel nicht  
ent=/holt szo schal düsse vor dracht v(m)me / be festet weszen(n) jnparten(n) beÿden tho güde / Ock  
forder schal hir midde vor late(n) vn(de) / vor geüen(n) weszen(n) alle den(n) je(n)nen(n) de dūs=/ser  
sake dorch bede er dorch vor denstes / weghe(n) vn(de) an alleme gru(n)de de dūsser / sake to  
schicke(n)de vnde to donde hat heb=/ben dorch vor söringhe düsse schedinge / hebbe wÿ vpp  
gemelten(n) jn jege(n)wordich(ei)t / perten(n) beÿder beste(n)n jn vszer Stadt / boke ghe screüen(n)  
vn(de) dar midde wÿ / ey(n) jowelken(n) be sorghe(n)n opp dat wÿ / hinrick van(n) velthe(m)m alze  
ey(n) kleghe(n) / vnde Cordt roleüesz alze eÿn antw(or)des / man hir midde sint sze grū(n)tliken / ghe  
scheden . /